



3661

Microni Aristotelis Collegio,
In Honorem Nuptiarum
Henrici Beloni
&
Elisabethae Schramm.



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 3661 4° (LN 400)





Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 3661 4° (LN 400)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 3661 4° (LN 400)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 3661 4° (LN 400)

DA BOX

= L N 400

M



OFFICIA PRÆCIPVA
coniugum.

59

IN HONOREM NV.
PTIARVM, MAGNIFICI VIRI, NOBILITATE generis, pietate, eruditione & autoritate præ-

stantiſſ: Henrici Belouu, Domini de Spotterup & Reſſelin,

Inclyti regni Dania Senatoris prudentiſſ: & arcis

Collingeniſſum præſidis, ſummi Muſa-

rum & ſui Mecænatis

Sponſi &

NOBILISSIMAE, PVDICISSIMAE QVE

Virginis Eliſabethæ Schrammiæ, Nobiliſſimi viri

Laurentij Schram Dñi de Haeſtrup

filie, Sponſæ.

Epithalami loco ex Philoſophorum

ſcriptis excerpta, & car-
mine reddita

à

Nicolao Bartolino Collingio.



H A F N I Æ,

Impreſſus Laurentius Benediſtus.

Anno Domini

CID IO LXXXIIL

HENRICO BELOVIO SPONSO

Mæcenati suo S.

DEscribant alijs numeroſo carmine faſtus
Quos celebrare ſolent, tædæ qui prima iugalīs
Fundamenta locant; primæq; ab origine ducant
Natales Henrice tuos, & Belouiorum
Schrammorumq; genus patriæq; inſignia ſtirpis
Fiſſam aquilam nigram in partes, & ſcanſile lignum
Rubrum, quo pugnaſcendit mænia miles;
Inde tuæ formam & virtutes Eliſabethæ:
Quaq; tuum pariter ſacræ velut agmine factō
Erudiere animum & corpus virtute, Camenæ.
Sciſcet hæc noſtras ſunt exuperantia vires,
A teneris adeo qui non aſſueuimus annis
Fonte caballino largos haurire liquores.
Varniades facient hoc vates & Myliani
Quos Heliconiades gremio edocuere ſonoræ.
Admouitq; recens natis facta vbera Pallas.
Nos leges, quarum paſſim meminere ſophorum
Ludi, & cum primis naturæ nobile lumen,
Doctus Ariſtoteles conati reddere verſu
Ieiuno offerimus, tædæq; dicamus honori
Præſentis, Muſis Mæcenas optime noſtris.

Hæc quæſo placido accipias munuſcula vultu
Dum maiora parant alijs, menſaſq; coronant
Cratere aurato, vinum præbente falernum
Vtq; facis minimum cumulo fauore clientem.
Quod ſuperest Dominum deuota mente precemur,
Coniugium vt vobis fœlix fauſtumq; ſecundet,
Fecundamq; domum faciat, beet, ornet, honoret.
Sic veluti pinguis quas profert pampinus vix
Fœlices venient nati ſeriq; nepotes.
Atq; breui veſtra parui ſpaciuntur in aula
Belouij, veſtros animos ac ora ferentes.
Sic etiam nexu concordie & pace ligatæ
Nunquam ſcindantur ſtudia in contraria mentes.

T. Magnificentiæ

Cliens

N. B. Collingius.



LEGES PROBÆ

fœminæ.

V T primū ingreditur thalamos noua nupta iugales
Fit regina potens, cuius quod continet in se
Subiacet imperio domus, haud vt lege ministret

Illa sua, arbitrioue suo, sed iussa mariti
Si bona sint ritè expediat, sin praua modestè
Corrigat, imperij tamen hæc sit regula, soli
Nosse suo quid displiceat, placeatue marito.
Hoc faciet summo mulier conamine, & illud
Oderit extremè, rabido cane peius & angue.

Inde pudicitie semper studiosa, cauebit
Ne cuius pateant socij claustra æmula lecti.
Nam læsam nulla famam medicaberis arte,
Vulnera quæ circumrodentis canceris instar
Serpit & in vulgi sermones seminat aures.
Mox veluti rosa quæ tenui decerpitur vngue
Marcet, & amisso cum flore amittit odorem,
Grata prius folijs, gratissima flore & odore.

Non ita sollicitè radiantes murice & auro
Inquirat vestes, aut longa monilia collo
Tertriplici gyro suspensa, ruborèq; tinctas
Fucato malas, quæ sitosue vndiq; gressus.
Quam vitam sceleris puram, sobolisq; viriq;
Atq; domus curam propriæ: sunt coniugis ista
Materies veri ornatus, quæ pondera laudis
Non fictæ cumulat, serosq; reseruat in annos.
Forma perit, vestes tinea absumuntur, & vno

A 2

Morbillo

Morbillo titubant gressus, facies citò pallet,
Integritas vitæ remanet, castiq; pudoris
Fama, hæc penelopen æternum viuere fecit,
Fecit & Alcestis nomen memorabile mundo.

Seria si fuerint tractanda aliquando marito,
Fœmina non quærat, quid agat respublica, reges
Quid sic consilij versent, sunt garrulitatis
Ista graue indicium, qua non mage dedecus vllum
Fœmineum genus excercet, neq; durius vrget.

Si mandante viro sumptus fecisse necesse est
Non se morosam mulier, verum officiosam
Præbebit, monitis parere parata mariti:
Sordities tamen hinc absit procul omnis, & illa
Ingens quæ loculos vacuat profusio rerum.

Cumq; suos dederit nœuos natura cuiq;
Æqua mente ferat mulier, si quando maritum
Ira, furor breuis, aut crimen leue, pectora turbat,
Inq; errabundum neq; verba proterua mouebit.
Quin magis illa sui turbato in pectore motus
Blanda silensq; viri facili moderabitur arte.
Blanda silensq; potest irarum fœmina flammæ
Pellere corde viri, rixis asueta marito
Et dolor & causa est multorum sepe malorum.
Nec mirum, nam si feruenti adiecero igni
Pingue oleum, magis ardescet, si adiecero iræ
Rixas, irarum quis non ardesceret æstu?

Quod si forte premat fortuna aduersa maritum
Omnibus in rebus coniunx succurrat, egentem

Non

Non ope defraudet, non aspernabitur ægrum.
Assidue potius cælestia numina iunctis
Poscat opem precibus, sic cura domestica multo
Omne succedat meliori, ipsiq; sodales
Paupertate graui, morbo ærumnisq; soluti
Cantabunt Iouæ per secula plurima laudes.
Quisquis enim placidè casus tolerare molestos
Nouit & auxilium Iouæ implorare, petitis
Si non ex voto fruitur, meliora præbendet.

LEGES MARITI BONI.

Cumq; nouus sponsus sit parti fœderis autor
Et caput, ille suas perpendat acumine leges
Mentis, & anteaquam celebrat sponsalia more
Suscepto, has cursim noctesq; diesq; reuoluet.
Nam multum intererit, qualem sibi fœdere iungat
Connubij sociam Vir, quauē Vxore maritus
Suscipiat prolem, patriæ fulcimina sedis,
Qui quid sit patrium perpendit nobile nomen.
Non igitur solum formam, neq; stemma superbum
Diuitiasq; petat dubias, aut septa colonis
Prædia, piscinas, saltus, siluasq; virentes,
Sed talem cuius probitas est nota fidesq;
Costam, quamq; pij vera pietate parentes
Eduxere annis teneris ipsaq; iuuenta.
Hoc agitans seris solamen habebit in annis
Et vitæ sociam, qua cum sine crimine vitam
Tranquillam pius & fœlix traducere possit.
Si formæ decus accedat, si nobilitatis

A3

Enumeres

Enumeret seriem, trita uosq, abauosq, atauosq,
Qui pietate graues, meritisq, in patria regna
Virtutem egregijs factis in luce locarunt,
Non exprobrando hæc iterans, censebitur ille
Præ reliquis fortunatus fælixq, maritis.

Ingressus thalamos sponsus fælici Hymenæo
Non vagus illicito Veneris rapiatur amore
Sed fidei memor obseruet, quæ fædera sanctè
Ante aras vni pepigit data dextera sponse.
Aut digito, puro solitus formariet auro
Annulus impositus, sinceri pignus amoris.

Turpe sodalitium, & gaudentes more bibendi
Deuitet, quibus haud vitium est sed gloria magna
Ebrietas, commune malum, crimeng, iuuentæ.
Ebrietas, qua non aliud violentius vllum
Eneruat vires, morbosq, accerset acutos.
Grata quidem primos cum sese fundit in artus
Verum ingressa caput, sensus obnubilat omnes.
Partas fundit opes, effuso sanguine gaudet,
Et Veneri addictos reddit furiosa scelestæ.

Aspera in vxorem neq, sit censura mariti
Si minus attentè, aut sine lege domestica tractet
Munia, sed doceat sponsam, quæ scire necesse est.
Ingressam nuper thalamos, non verbere, non vi
Sed verbis placidis, & miti corrigat arte:
Sic magis illa suum Dominum amplectetur amore.
Atq, licet iuuenis fuerit, monitore frequenti
Docta, breui curam domus inculpata subibit.

Leges

LEGES COMMVNES VIRO & fæminæ.

Et quia de gemino formatum est corpore corpus
Vnum cum dextram dextræ coniungit ad illud
Muneris electus flamen, seruare necesse est
Communes etiam sociali federe iunctis
Normas, stet modo salua domus, rixisq; soluta.

Casta Deus mens est, casta vult mente vocari,
Et casto delectatur, quem sanxit, amore
Huic ergo casto sunt vota precesq; ferendæ
Pectore, sic placido, quæ iunxit pectora, nexu
Conueniant, noscantq; illum quem pingit amorem
Hoc ritu in genus humanum seruator Iesus

Debetur pietas genitoribus, illa parentes
Sponte viri foueat, sociæ ferat ille vicissim.

Alter in alterius consanguinitate propinquos
Affinesq; dabit veri documenta fauoris.
Cumq; opus est re, consilio, officiisq; inuabit.
Sic nexu gemino socientur corda fauore
Plurima, amicitia sic fœdera sancta virescant.

Prognatæ sobolis pia cura incumbit vtriq;
Quam sacro erudiant verbo, dominiq; timore:
Non indulgentes natis: Nam blanda iuuentam
Addictam vitijs facit indulgentia patrum:
Et facies austera nimis, morosaq; dicta
Sæpe iuuentuti officiunt iterata probatæ.


Consultum magis est pueris si quanta sequantur
Commoda virtutem doceat, numeretq; prioris
Temporis acta parens senio venerandus & annis

Quos

Quos tulerit casus, quales virtute labores
Vicerit, his stimulos capiunt in viscera nati
Virtutum, & duros casus virtutis amore
Vincunt, desidiaq; sibi torpescere ducunt
Turpe, aut fortunas corradere turpibus ausis.
Sin minus illa iuuent, non suadeo parcere virgis,
Sedulitate pari communes quisq; labores
Sufferet, atq; domum propria virtute beabit.
Iustitia cunctis prælucens & bonitate
Vt morum videant viua exemplaria serui.

Cumq; ferat dubio volucris fortuna rotatu
Latitiam genitrix, multosq; nouerca dolores.
Alterius quærat sic mutua cura salutem,
Ille volet propriam potius profundere vitam,
Quam vidisse malum dilectæ coniugis, illa
Dilectum simili socium amplectetur amore.

Hæ sunt connubij leges, & fœdera, quæ si
Dextrè seruentur, socialem commoda vitam
Multa manent: Nati veluti plantaria pinguis
Pubescant oleæ, & cingent longo ordine mensam.
Fercula difficili quamuis sint parta labore
Dulcia erunt, & prosperitas ex arce Sionis
Coniugium circumcinget, seroq; parentes
Aspiciant natos natorum in secula quarta
Et Solymæ tandem pacem, pacem super æuum.



3661.